

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2021/118, 24.12.2021թ.

**Բողոք բերող անձ՝** «Բիզնես Էլիտա» ՍՊԸ

**Պատվիրատու՝** Միասնական սոցիալական ծառայություն

**Գնման ընթացակարգի ծածկագիրը՝** «ՄՍԾ ԷԱՃԾՁԲ-22/8» էլեկտրոնային աճուրդ.

**Գնման առարկան՝** մասնագիտական ուսուցման ծառայությունների ձեռքբերում

**Բողոքի պահանջը՝** պարտավորեցնել «ՄՍԾ ԷԱՃԾՁԲ-22/8» ծածկագրով էլեկտրոնային աճուրդի գնահատող հանձնաժողովին՝

1. չեղարկել թիվ «ՄՍԾ ԷԱՃԾՁԲ-22/8» ծածկագրով էլեկտրոնային աճուրդը,
2. փոփոխել նույն ընթացակարգի շրջանակում 17.12.2021 թվականին ընդունված թիվ 2

արձանագրային որոշումը հետևյալ կերպ.

ՉԱՓԱԲԱԺՆԻ ՀԱՄԱՐԸ	ԳՆՄԱՆ ԱՌԱՐԿԱ	ՄԱՍՆԱԿԻՑՆԵՐԻ ԱՆՎԱՆՈՒՄԸ ԵՎ ՌԱԶԱՐԿԱԾ ԳԻՆԸ ԸՍՏ ՉԱՓԱԲԱԺԻՆՆԵՐԻ ԱՌԱՆՑ ԱԱՀ-Ի (ՀՀ դրամ)
	ԱՎԱՌ ԻՄԸ	
2	«դերձակ» մասնագիտությամբ ուսուցում	360 000
4	«մատնահարդար» մասնագիտությամբ ուսուցում	360 000
5	«կարսահարդար» մասնագիտությամբ ուսուցում	360 000
6	«համակարգչային հաշվապահություն» մասնագիտությամբ ուսուցում	180 000
7	«կարսահարդար» մասնագիտությամբ ուսուցում	270 000
8	«դիմահարդար» մասնագիտությամբ ուսուցում	270 000
10	«համակարգչային հաշվապահություն» մասնագիտությամբ ուսուցում	180 000
11	«մատնահարդար» մասնագիտությամբ ուսուցում	450 000
19	«խոհարար» մասնագիտությամբ ուսուցում	810 000

3. որպես հետևանք փոփոխել նաև Նույն ընթացակարգի շրջանակում 17.12.2021 թվականի պայմանագիր կնքելու մասին հայտարարությունը՝ թիվ 2 արձանագրային որոշման փոփոխված տարբերակին համապատասխան,

4. կամ չեղարկել/վերացնել նույն ընթացակարգի շրջանակում 17.12.2021 թվականին ընդունված թիվ 2 արձանագրային որոշումը, որպես հետևանք չեղարկել/վերացնել նաև նույն ընթացակարգի շրջանակում 17.12.2021 թվականի պայմանագիր կնքելու մասին հայտարարությունը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



## **ՀՀ գնումների հետ կապված բողոքներ քննող անձին**

**բողոք բերող՝ «ԲԻՉՆԵՍ ԷԼԻՏԱ» ՍՊԸ**  
**պետական գրանցման համարը՝ 29.110.01469**  
**ՀՎՀՀ՝ 05519933**

**հասցե՝ ՀՀ ք. Գյումրի Ախուրյան խճ. 2ա շ. 47 բն.**  
**դնօրեն՝ Աիդա Ռազմիկի Հակոբյան**

**ն/ք՝ 000903757, տրված 29.01.2013թ. 030-ի կողմից**

**հասցե՝ ՀՀ Շիրակի մարզ գ. Ախուրյան Ջրաշինարարների բնվ. 8-րդ փող. Տուն 25**

**ներկայացուցիչ փաստաբան՝ Հակոբ ք Քոյլոյանից**

**փաստաբանական գործունեության արտոնագիր՝ թիվ 2707**

**ն/ք՝ 012715868, տրված 30.04.2020թ., 013-ի կողմից**

**հասցե՝ ՀՀ ք. Երևան Դավթաշեն 4-րդ թաղ. 11շ. 7բն.**

**հեռ՝ 099997665**

**էլ. փոստ՝ [koyloyan27@gmail.com](mailto:koyloyan27@gmail.com)**

**պատվիրատու՝ ՀՀ միասնական սոցիալական ծառայություն**

**հասցե՝ ՀՀ ք. Երևան Նալբանդյան 13**

### **գնման ընթացակարգի ծածկագիրը և առարկան՝**

**ՀՀ միասնական սոցիալական ծառայության կարիքների համար**

**«մասնագիտական ուսուցման ծառայություն» ձեռքբերման նպատակով**

**հայտարարված թիվ «ՄՄԾ ԷԱԾԾՁԲ-22/8» ծածկագրով էլեկտրոնային աճուրդ**

### **ԲՈՂՈՔ**

**թիվ ՄՄԾ ԷԱԾԾՁԲ-22/8 գնման ընթացակարգի վերաբերյալ**

#### **1. բողոքի քննության համար էական նշանակություն ունեցող փաստական հանգամանքները.**

- 1.1. ՀՀ միասնական սոցիալական ծառայությունը (այսուհետ նաև Պատվիրատու) իր կարիքների համար «մասնագիտական ուսուցման ծառայություն» ձեռքբերման նպատակով 06.12.2021 թվականին հրապարակել է թիվ «ՄՄԾ ԷԱԾԾՁԲ-22/8» էլեկտրոնային աճուրդը (այսուհետ նաև Գնման ընթացակարգ):
- 1.2. «ՄՄԾ ԷԱԾԾՁԲ-22/8» էլեկտրոնային աճուրդի բացման ժամկետ է նշվել հայտարարության հրապարակման օրվանից հաշված 9-րդ օրը ժամը 11:00-ին:
- 1.3. Թիվ «ՄՄԾ ԷԱԾԾՁԲ-22/8» էլեկտրոնային աճուրդը չի բացվել հրավերով սահմանված ժամկետում:
- 1.4. Գնման ընթացակարգի շրջանակում «ԲԻՉՆԵՍ ԷԼԻՏԱ» ՍՊ ընկերությունը (այսուհետ նաև Մասնակից) մասնակցության հայտ է ներկայացրել թիվ 2-րդ, 4-րդ, 5-րդ, 6-րդ, 7-րդ, 8-րդ, 10-րդ, 11-րդ և 19-րդ չափաբաժիններով:

- 1.5. Գնման ընթացակարգի շրջանակում «ԲԻՉՆԵՍ ԷԼԻՏԱ» ՍՊ ընկերությունը ընտրված մասնակից է ճանաչվել թիվ 2-րդ, 4-րդ, 8-րդ, 9-րդ, 10-րդ, 11-րդ, 13-րդ, 14-րդ, 15-րդ, 17-րդ և 19-րդ չափաբաժիններով:
- 1.6. Գնման ընթացակարգի գնահատող հանձնաժողովի կողմից թիվ «ՄՄԾ ԷԱՃԾՁԲ-22/8» էլեկտրոնային աճուրդի շրջանակում 17.12.2021 թվականի թիվ 2 արձանագրային որոշմամբ նշված գնային առաջարկների և մասնակցի կողմից ներկայացրած գնային առաջարկների միջև առկա է հետևյալ անհամապատասխանություն.

ՉԱՓԱՐ ԱՖՆԻ ՀԱՄԱՐ Ը	ԳՆՄԱՆ ԱՌԱՐԿԱՅԻ ԱՆՎԱՆՈՒՄԸ	ՄԱՍՆԱԿՑԻ ԳՆԱՅԻՆ ԱՌԱՋԱՐԿԸ	ԳՆԱՀԱՏՈՂ ՀԱՆՁՆԱԺՈՂՈՎԻ ԱՐՁԱՆԱԳՐԱԾ ԳՆԱՅԻՆ ԱՌԱՋԱՐԿԸ
2	«դերձակ» մասնագիտությամբ ուսուցում	360 000	360 000
4	«մատնահարդար» մասնագիտությամբ ուսուցում	360 000	180 000
5	«վարսահարդար» մասնագիտությամբ ուսուցում	360 000	-
6	«համակարգչային հաշվապահություն» մասնագիտությամբ ուսուցում	180 000	-
7	«վարսահարդար» մասնագիտությամբ ուսուցում	270 000	-
8	«դիմահարդար» մասնագիտությամբ ուսուցում	270 000	278 400
9	«կարող» մասնագիտությամբ ուսուցում	-	464 000
10	«համակարգչային հաշվապահություն» մասնագիտությամբ ուսուցում	180 000	185 600
11	«մատնահարդար» մասնագիտությամբ ուսուցում	450 000	464 000
13	«խոհարար» մասնագիտությամբ ուսուցում	-	371 300
14	«մենեջեր հյուրանոցի» մասնագիտությամբ ուսուցում	-	556 800
15	«կարող» մասնագիտությամբ ուսուցում	-	464 000
17	«հրուշակագործ» մասնագիտությամբ ուսուցում	-	278 400
19	«խոհարար» մասնագիտությամբ ուսուցում	810 000	742 400

- 1.7. Պատվիրատուն գնման ընթացակարգի շրջանակում Մասնակցին 17.12.2021 թվականին ծանուցել է անգործության ժամկետի վերաբերյալ նշելով դրա սկիզբը և ավարտը 17.12.2021 թվականը, այսինքն չի պահպանվել 10 աշխատանքային օրը:

## **2. բողոքի փաստական և իրավական հիմնավորումները.**

Գնումների մասին ՀՀ օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Նույն օրենքի 10-րդ հոդվածի 3-րդ մասի համաձայն՝ մրցույթի և էլեկտրոնային աճուրդի դեպքում անգործության ժամկետը առնվազն 10 օրացուցային օր է: Գնման այլ ընթացակարգերի համար անգործության ժամկետն առնվազն հինգ օրացուցային օր է:

Էլեկտրոնային աճուրդի իրականացման կարգը և էլեկտրոնային աճուրդով ձեռք բերվող ապրանքների, աշխատանքների և ծառայությունների ցուցակը հաստատելու մասին ՀՀ կառավարության 18.05.2017 թվականի թիվ 534-Ն որոշման հավելված 1-ի (այսուհետ՝ Կարգ) 12-րդ կետի համաձայն՝ հայտերն ներկայացնելու ժամկետը լրանալու պահի դրությամբ համակարգն ավտոմատ ծանուցման միջոցով հայտ ներկայացրած բոլոր մասնակիցներին ուղարկում է ներկայացված նվազագույն գնային առաջարկը, ինչպես նաև նոր (վերանայված) գներ ներկայացնելու վերաբերյալ առաջարկություն: Առաջարկությունը ներառում է նաև տեղեկություններ էլեկտրոնային աճուրդի բացման օրվա ու ժամի և օգտագործվող էլեկտրոնային սարքավորումների հետ անհատական կապուղի հաստատելու համար անհրաժեշտ տվյալների մասին:

Կարգի 16-րդ կետի համաձայն՝ աճուրդն ամփոփվում է հրավերում նշված կոնկրետ ժամը լրանալու դրությամբ կամ սույն կարգի 10-րդ կետի 1-ին ենթակետով նախատեսված դեպքում:

Կարգի 17-րդ կետի համաձայն՝ աճուրդն ամփոփվելու պահի դրությամբ համակարգն ավտոմատ եղանակով պատվիրատուին և հայտեր ներկայացրած մասնակիցներին ներկայացնում է աճուրդի արդյունքները՝ ըստ առաջին և հաջորդաբար տեղեր զբաղեցրած մասնակիցների անվանումների և զբաղեցրած տեղերի:

Վերոգրյալ իրավական նորմերի համապարփակ վերլուծության արդյունքում պետք է փաստել հետևյալը, որ օրենսդիրը գնման ընթացակարգի իրականացման համար սահմանել է որոշակի սկզբունքներ այն է գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպումը, նշված սկզբունքները կոչված են ապահովելու գնման ընթացակարգի թափանցիկությունը, Պատվիրատուի և Մասնակցի իրավաչափ վարքագիծը և այնպիսի ոչ խտրական մոտեցումը, որը կբացառի գնման ընթացակարգում Պատվիրատուի կողմից խախտումների կատարումը: Օրենսդրի կողմից սահմանվել է նաև էլեկտրոնային աճուրդի եղանակով գնման ընթացակարգի հայտերի բացման ընթացակարգ, որը հայտերն ներկայացնելու ժամկետը լրանալու պահի դրությամբ համակարգն ավտոմատ ծանուցման միջոցով հայտ ներկայացրած բոլոր մասնակիցներին ուղարկում է ներկայացված նվազագույն գնային առաջարկը: Գործող օրենսդրական կարգի համաձայն աճուրդն ամփոփելու պահին համակարգն ավտոմատ եղանակով



պատվիրատուին և հայտեր ներկայացրած մասնակիցներին ներկայացնում է աճուրդի արդյունքները, իսկ աճուրդի ամփոփումը պետք է կատարվի հրավերում նշված կոնկրետ ժամը լրանալու: Նշված վավերապայմանների ապահովման դեպքում նոր միայն հնարավոր է փաստել գնման ընթացակարգի սկզբունքների պահպանումը, հակառակ պարագայում գործ կունենանք այնպիսի ոչ իրավաչափ վարքագծի և օրենսդրական նորմերի խախտման հետ, որոնք համատեղելի չեն գնման ընթացակարգի սկզբունքների հետ: Ընդ որում օրենսդիրը սահմանել է նաև էլեկտրոնային աճուրդի եղանակով գնման ընթացակարգի շրջանակում անգործության ժամկետը առնվազն 10 օր, որի ընթացքում մասնակից կարող է այս կամ այն կերպ վիճարկել, Պատվիրատուի կամ գնահատող հանձնաժողովի գործողություններն ու անգործությունը եթե դրանք ոտնահարում են իր իրավունքները:

Սույն դեպքում թիվ «ՄՄԾ ԷԱՃԾՁԲ-22/8» էլեկտրոնային աճուրդի շրջանակում Մասնակիցը հայտ է ներկայացրել թիվ 2-րդ, 4-րդ, 5-րդ, 6-րդ, 7-րդ, 8-րդ, 10-րդ, 11-րդ և 19-րդ չափաբաժիններով, սակայն անհասկանալի պատճառներով ծրագրի կողմից գեներացվել է հայտ թիվ 2-րդ, 4-րդ, 8-րդ, 9-րդ, 10-րդ, 11-րդ, 13-րդ, 14-րդ, 15-րդ, 17-րդ և 19-րդ չափաբաժիններով, արդյունքում նաև փոփոխության ենթարկելով Մասնակցի կողմից ներկայացված գնային առաջարկները: Ծրագրային ապահովման սխալի արդյունքում Մասնակիցը ճանաչվել է ընտրված մասնակից թիվ 2-րդ, 4-րդ, 8-րդ, 9-րդ, 10-րդ, 11-րդ, 13-րդ, 14-րդ, 15-րդ, 17-րդ և 19-րդ չափաբաժիններով, որոշ դեպքերում ոչ իր կողմից ներկայացված, իսկ որոշ դեպքերում իր կողմից ներկայացված գնային առաջարկներին չհամապատասխանող թվերով: Պատվիրատուն պարտավոր է ապահովել գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպումը, այդ թվում այն դեպքերում երբ դա իրականացվում է ծրագրային ապահովման միջոցով, հակառակ պարագայում կրելով դրա բացասական հետևանքները: Ծրագրային խափանման հանգամանքը կարող է հաստատվել հատուկ մասնագիտական գիտելիքներ ունեցող մասնագետի եզրակացության հիման վրա, սակայն հատկանշական է նաև այն հանգամանքը, որ թիվ «ՄՄԾ ԷԱՃԾՁԲ-22/8» էլեկտրոնային աճուրդը չի բացվել հրավերով սահմանված ժամկետում, ինչպես նաև անգործության ժամկետի ծանուցումը եղել է սխալ, որը նույնպես իրականացվում է էլեկտրոնային եղանակով այս հանգամանքների համապարփակ ուսումնասիրության արդյունքում կփաստվի ծրագրային ապահովման սխալի փաստը, որի արդյունքում Մասնակցի հայտը արձանագրվել է սխալ գնահատող հանձնաժողովի 17.12.2021 թվականի թիվ 2 արձանագրային որոշմամբ:

Ուստի հաշվի առնելով վերոգրյալը գտնում եմ, որ թիվ «ՄՄԾ ԷԱՃԾՁԲ-22/8» ծածկագրով էլեկտրոնային աճուրդի գնահատող հանձնաժողովի 17.12.2021 թվականին ընդունված թիվ 2 արձանագրային որոշումը ենթակա է փոփոխման կամ չեղարկման, կամ ընդհանրապես գնման ընթացակարգն է ենթակա չեղարկման:

### 3. Բողոքի պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածներով.

#### Խնդրում եմ

1. Չեղարկել թիվ «ՄՍԾ ԷԱԾԾԶԲ-22/8» ծածկագրով էլեկտրոնային աճուրդը:
2. Պարտավորեցնել թիվ «ՄՍԾ ԷԱԾԾԶԲ-22/8» ծածկագրով էլեկտրոնային աճուրդի գնահատող հանձնաժողովին՝
  - 2.1. փոփոխել նույն ընթացակարգի շրջանակում 17.12.2021 թվականին ընդունված թիվ 2 արձանագրային որոշումը հետևյալ կերպ.

ՉԱՓԱԲԱԺ ՆԻ ՀԱՄԱՐԸ	ԳՆՄԱՆ ԱՌԱՐԿԱ	ՄԱՍՆԱԿԻՑՆԵՐԻ ԱՆՎԱՆՈՒՄԸ ԵՎ ԱՌԱՋԱՐԿԱԾ ԳԻՆԸ ԸՍՏ ՉԱՓԱԲԱԺԻՆՆԵՐԻ ԱՌԱՆՑ ԱԱՀ-Ի (ՀՀ դրամ)
	ԱՆՎԱՆՈՒՄԸ	«ԲԻՉՆԵՍ ԷԼԻՏԱ» ՍՊԸ
2	«դերձակ» մասնագիտությամբ ուսուցում	360 000
4	«մատնահարդար» մասնագիտությամբ ուսուցում	360 000
5	«վարսահարդար» մասնագիտությամբ ուսուցում	360 000
6	«համակարգչային հաշվապահություն» մասնագիտությամբ ուսուցում	180 000
7	«վարսահարդար» մասնագիտությամբ ուսուցում	270 000
8	«դիմահարդար» մասնագիտությամբ ուսուցում	270 000
10	«համակարգչային հաշվապահություն» մասնագիտությամբ ուսուցում	180 000
11	«մատնահարդար» մասնագիտությամբ ուսուցում	450 000
19	«խոհարար» մասնագիտությամբ ուսուցում	810 000

Որպես հետևանք փոփոխել նաև նույն ընթացակարգի շրջանակում 17.12.2021 թվականի պայմանագիր կնքելու մասին հայտարարությունը՝ թիվ 2 արձանագրային որոշման փոփոխված տարբերակին համապատասխան:

- 2.2. կամ չեղարկել/վերացնել նույն ընթացակարգի շրջանակում 17.12.2021 թվականին ընդունված թիվ 2 արձանագրային որոշումը, որպես հետևանք չեղարկել/վերացնել նաև նույն ընթացակարգի շրջանակում 17.12.2021 թվականի պայմանագիր կնքելու մասին հայտարարությունը: